



**Angajoqqaarsiat atugaasa pitsanngorsaavigineqarnissaat aningaasatigullu paaqqinninnermin-ni tigusartagaasa qaffaavigineqarnissaat, taamatutaaq nerisaqarnermut-, atisarsiutissat-, kii-salu kaasarfirmiorisartakkanut aningaasartuutaasartut ullutsinnut naapertuuttunngorlugit naleqqussarneqarnissaannik Naalakkersuisut peqquneqarnissaannik Inatsisartut aalajangiif-figisassaattut siunnersuut.**

(Inatsisartunut ilaasortaq Laura Táunâjik, Siumut)

Aaliangiiffingisassatut siunnersuut una ugguunartaatigut Demokraatiniik isumaqatingaarput. Aningaasat naapertuutissapput meerarsiaqarnermi pisariaqavitsinneqartut. Naalakkersuisullu oqariartuutaat isumaqatingilluinnarparput aningaasat nalingisa nikikkiartornerat malillugu aningaasarsiasat nikittarnissaat aallaaviusariaqarmat. Taamaanngippat aningaasat nalingi tunniunneqartartut ukiut tamaasa milliartussammata.

Demokraatiniilli mianereqqjuuaannangarput tassaavoq angajoqqaarsiatut aningaasaq eqqarsaataanngisannassammata. Una paarsingallartarneq taanna allaassuteqartoq takusinnaavarput, kisianni aamma mianersuussassaavoq inuiaqatigiit eqqarsalersissanngikkigut meerarsiaqartitsisarneq aningaasarsiuutit inississanngimmat.

Aamma erseqqissaassutingerusupparput ullutsinni pissutsit uunga killissimmammata, ajornanngippallaartumik meerartaartalersimangatta, meeqqat taamak amerlatingisut angajoqqaaminniingitsut nunatsinni ajortumik ingerlasoqarneranik ersiutaammat. Meeraq pinngortissallugu aaliangiussaqa anaanami ataamilu perorsatariaqarpoq. Imaassinnaanngilarmi meeraq pinngortinneqartoq anaana ataataluunniit isumalluassasoq inuiaqatingiit meeraq tingussaqqaraat aamma perorsassaqqaraat. Tamanna tamanut peqqinnanngilaq. Meeqqamut, angajoqqaanut kiisalu inuiaqatingiinnut.

Taamaattumik eqqarsartariaaserput meerartaartarnermut atatillugu allanngortittariaqarparput taannaannaanngittorli aamma inooriaaserput nikisittariaqarparput. Qaqagukkut piareeqqavunga meerartaarnissannut? Imminut pilersorsinnaanneq aallaaviusariaqarpoq. Immaqaluunniit imminut paarisinnaaneq minnerpaaffimminiippoq meeqqamik pilersitsinissamik aallaavusoq. Taamaakkaluarpammi ullumikkut angajoqqaarsiat meeqqanik paarsinermi aningaasarsiaat eqqartussanngikkaluarpagut.

Taamatut oqaaseqarluta Naalakkersuisut innersuussutaat taperserumavarput ukiakkut ataatsimiinnermut 2017-mut aappassaaneernejarnissaa kinguardeqqullugu.